



Broj: 03-02-4-231-1/23

Datum: 24.1.2023. godine

Na osnovu člana 24. Zakona o ministarstvima i drugim organima uprave Bosne i Hercegovine („Službeni glasnik BiH“, br. 5/03, 42/03, 26/04, 42/04, 45/06, 88/07, 35/09, 59/09, 103/09, 87/12, 6/13, 19/16 i 83/17) i člana 11. Odluke o godišnjem planiranju rada i načinu praćenja i izvještavanja u institucijama Bosne i Hercegovine („Službeni glasnik BiH“, broj 94/14), Agencija za javne nabavke Bosne i Hercegovine, podnosi:

IZVJEŠTAJ O RADU

Agencije za javne nabavke Bosne i Hercegovine za 2022. godinu

I-UVOD

Agencija za javne nabavke Bosne i Hercegovine (u daljem tekstu: Agencija) je samostalna upravna organizacija sa statusom pravnog lica sa sjedištem u Sarajevu i dvije filijale sa sjedištem u Banjaluci i Mostaru, koja je osnovana Zakonom o javnim nabavkama (u daljem tekstu:Zakon). Uloga Agencije je da obezbijedi pravilno sprovođenje Zakona i podzakonskih akata. Nadležnosti Agencije utvrđene su članom 92. stav 3. Zakona.

Agencija je u 2022. godini bazirala svoje aktivnosti na Programu rada Agencije za 2022. godinu. Planirani godišnji rezultati proizilaze iz Srednjoročnog plana rada Agencije, za period od 2022. do 2024. godine, koji je bio osnova za izradu godišnjeg programa rada Agencije.

Srednjoročni cilj Agencije povezan je i izveden iz strateških ciljeva utvrđenih Strateškim okvirom za Bosnu i Hercegovinu i Srednjoročnim programom rada Vijeća ministara Bosne i Hercegovine, za period od 2022. do 2024. godine i njegovo ostvarivanje zasniva se na realizaciji specifičnih ciljeva, kao i provođenju programa i projekata.

U Srednjoročnom planu rada Agencije, za period od 2022. do 2024. godine definisan je srednjoročni cilj Agencije: „Unaprijediti sistem infrastrukture kvaliteta u skladu sa EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije“.

Srednjoročni cilj Agencije je definisan od strane Direkcije za ekonomsko planiranje i konsolidovan na nivou više institucija koje doprinose strateškom odnosno operativnom cilju.

Srednjoročni cilj Agencije se implementira putem provođenja specifičnog cilja Agencije.

Specifični cilj Agencije je: „Unaprijediti proces i transparentnost provođenja postupaka javnih nabavki“. Implementiranje specifičnog cilja realizovano je u okviru planiranih programskih aktivnosti Agencije za 2022. godinu.

II NAJVAŽNIJE AKTIVNOSTI

Agencija je poslove iz svoje nadležnosti obavljala u skladu sa Programom rada za 2022. godinu bazirajući rad na implementaciji planiranih aktivnosti, programa i projekata čija realizacija doprinosi ostvarenju strateškog cilja Agencije.

U 2022. godini aktivnosti su realizovane sa ukupno 22 zaposlena što je 71% od planiranog broja zaposlenih prema Pravilniku o unutrašnjoj organizaciji i sistematizaciji radnih mjesta u Agenciji za javne nabavke BiH broj: 01-50-430-6/08 od 24.04.2008. godine i broj 01-50-430-6-1/08 od 11.02.2010. godine. U skladu sa važećim Pravilnikom, sistematizovano je ukupno 31 radno mjesto. Dakle, u Agenciji je zaposleno 9 izvršilaca manje u odnosu na važeći Pravilnik. Potrebno je izvršiti popunu svih sistematizovanih radnih mjesta u skladu sa Pravilnikom o unutrašnjoj organizaciji i sistematizaciji radnih mjesta za efikasno funkcionisanje Agencije.

Jedna od osnovnih nadležnosti Agencije propisanih Zakonom o javnim nabavkama je pružanje tehničke pomoći i savjetodavnih mišljenja ugovornim organima i ponuđačima u vezi sa pravilnom primjenom zakona i podzakonskih akata koja je tokom cijele godine uredno izvršavana.

Agencija za javne nabavke je u izvještajnom periodu izvršavala sve potrebne aktivnosti i saradivala sa Vijećem ministara Bosne i Hercegovine u pogledu Zakona o izmjenama i dopunama Zakona o javnim nabavkama (u daljem tekstu: ZIDZJN) i pratećih podzakonskih akata (sveobuhvatna procjena učinka za ZIDZJN, upućivala akte prema Ministarstvu finansija i trezora Bosne i Hercegovine, Ministarstvu pravde, Uredu za zakonodavstvo, Konkurencijskom vijeću, održavala koordinacijske sastanke sa Ministarstvom finansija i trezora, Ministarstvom pravde, te pripremala materijale za upućivanje ZIDZJN i podzakonskih akata Vijeću ministara Bosne i Hercegovine).

U izvještajnom periodu preuzete su sve aktivnosti na uspješnoj izradi dokumenta Srednjoročnog plana rada Agencije, za period od 2022. do 2024. godine u skladu s Odlukom o postupku srednjoročnog planiranja, praćenja i izvještavanja u institucijama Bosne i Hercegovine (“Službeni glasnik BiH”, broj 62/14) i Uputstvom o metodologiji u postupku srednjoročnog planiranja, praćenja i izvještavanja u institucijama Bosne i Hercegovine (“Službeni glasnik BiH”, broj 44/15).

Dokumentom Srednjoročnog planiranja, za period 2022-2024. godine, Agencije za javne nabavke Bosne i Hercegovine, definisala je program „Jačanje sistema javnih nabavki“, kao i tri projektne aktivnosti:

„Unapređenja postojećih i uvođenje novih funkcionalnosti sistema e-Nabavke uz pripadajući legislativni okvir“, gdje su Sektor za informacione tehnologije, finansijske i opšte poslove i Sektor za pravne poslove i poslove obuke i analize, nosioci aktivnosti,

„Obuke službenika za javne nabavke“, gdje je Sektor za pravne poslove i poslove obuke i analize – Filijala Banja Luka nosilac aktivnosti i

„Praćenje postupaka javnih nabavki po izvorima praćenja“ gdje je Sektor za pravne poslove i poslove obuke i analize – Filijala Mostar nosilac aktivnosti.

III SEKTOR ZA PRAVNE POSLOVE I POSLOVE OBUKE I ANALIZE I SEKTOR ZA INFORMACIONE TEHNOLOGIJE, FINANSIJSKE I OPŠTE POSLOVE

Programom rada Agencije za javne nabavke BiH za 2022. godinu je definisan program „Jačanje sistema javnih nabavki“, unutar kojeg su za dva projekta zaduženi kao nosioci sektori 02 (Sektor za pravne poslove i poslove obuke i analize) i 05 (Sektor za informacione tehnologije, finansijske i opšte poslove). Radi se o sljedećim projektima:

1. Nacrt Zakona o javnim nabavkama i

1.1. Nacrt Zakon o javnim nabavkama

2. Unapređenja postojećih i uvođenje novih funkcionalnosti sistema e-Nabavke uz pripadajući zakonodavni okvir

2.1. Puštanje u produkciju modula za elektronsko dostavljanje ponuda, elektronsko otvaranje i evaluaciju ponuda i elektronsko donošenje odluke o okončanju postupka

2.2. Otvaranje podataka u javnim nabavkama

2.3. Razvoj modula na Portalu javnih nabavki koji bi koristili svi uredi za reviziju poslovanja institucija na svim nivoima u BiH

2.4. Automatizacija/informatizacija određenih poslovnih procesa koji su u vezi sa praćenjem postupaka javnih nabavki

2.5. Početak aktivnosti na uspostavljanju Dinamičkog sistema kupovine

2.6. Uvođenje statističkog praćenja i izvještavanja o učešću malih i srednjih preduzeća u javnim nabavkama

3. Razvoj informacionog sistema za centralne nabavne organe

3.1. Razvoj, priprema za produkciju i puštanje u produkciju informacionog sistema za centralne nabavne organe

1.1. Nacrt Zakon o javnim nabavkama

Aktivnost nije realizovana. Obim i dinamika aktivnosti oko izrade novog Zakona o javnim nabavkama 2022. godine je zavisila o usvajanju Zakona o izmjenama i dopunama zakona o javnim nabavkama. Naime, Zakon o izmjenama i dopunama Zakona o javnim nabavkama je usvojen i počela je njegova primjena. Agencija je pripremila podzakonska akta koji bi osigurali potpunu i adekvatnu primjenu pomenutog zakona. Podzakonska akta su upućena Vijeću ministara na usvajanje.

2.1. Puštanje u produkciju modula za elektronsko dostavljanje ponuda, elektronsko otvaranje i evaluaciju ponuda i elektronsko donošenje odluke o okončanju postupka

Ova aktivnost nije još realizovana iz razloga što nije donešen Pravilnik o korištenju informacionog sistema e-Nabavke kojim bi se omogućilo puštanje navedenih modula u produkciju.

2.2. Otvaranje podataka u javnim nabavkama

Agencija je nakon usvajanja budžeta za 2022. godinu i odobrenih kapitalnih ulaganja provela postupak nabavke za uslugu nadogradnje sistema e-Nabavke koja obuhvata i otvaranje podataka o javnim

nabavkama. Nakon zaključenja okvirnog sporazuma Agencija aktivno radi na razvoju ove funkcionalnosti čije se puštanje u produkciju predviđa za I kvartal 2023. godine.

2.3. Razvoj modula na Portalu javnih nabavki koji bi koristili svi uredi za reviziju poslovanja institucija na svim nivoima u BiH

Agencija je nakon usvajanja budžeta za 2022. godinu i odobrenih kapitalnih ulaganja provela postupak nabavke za uslugu nadogradnje sistema e-Nabavke koja obuhvata i modul za uredi za reviziju institucija u BiH. Nakon zaključenja okvirnog sporazuma Agencija aktivno radi na razvoju ove funkcionalnosti.

Agencija je u toku 2022. godine održala radne sastanke sa uredima za reviziju institucija u BiH sa kojima je načelno definisala sve funkcionalne zahtjeve koje će sadržavati modul.

2.4. Automatizacija/informatizacija određenih poslovnih procesa koji su u vezi sa praćenjem postupaka javnih nabavki

Radna grupa za nadogradnju IS e-Nabavke kontinuirano je radila na uvođenju automatizacije određenih aktivnosti koje se odnose na praćenje postupka javnih nabavki i pravilnu promjenu Zakona o javnim nabavkama.

2.5. Početak aktivnosti na uspostavljanju Dinamičkog sistema kupovine

Aktivnost nije realizovana. Pomenuta aktivnost je, prilikom pripreme srednjoročnog plana rada Agencije za period 2023-2025. prebačena za 2023. godinu, jer je Agencija većinu svojih kapaciteta preusmjerila na aktivnosti vezane za izradu podzakonskih akata i nadogradnju IS e-Nabavke kojim se osigurava primjena Zakon o izmjenama i dopunama Zakona o javnim nabavkama.

2.6. Uvođenje statističkog praćenja i izvještavanja o učešću malih i srednjih preduzeća u javnim nabavkama

Aktivnost je realizovana. Agencija je usvojila Uputstvo o uslovima i načinu objavljivanja obavještenja i dostavljanja izvještaja o postupcima javnih nabavki na portalu javnih nabavki ("Službeni glasnik BiH" broj 80/22) kojim je uvedena klasifikacija na registracijskoj formi za domaće ponuđače, te prošireni administratorski izvještaji o dodjelama sa podatkom o klasifikaciji ponuđača. Agencija će u svim izvještajima o dodjelama u administratorskom profilu imati mogućnost generisanja statistika sa ovim podacima.

3.1. Razvoj, priprema za produkciju i puštanje u produkciju informacionog sistema za centralne nabavne organe

Američka agencija za međunarodni razvoj u Bosni i Hercegovini (USAID BiH) kroz Projekat E-uprave pomaže Bosni i Hercegovini u usklađivanju zakonodavnog i regulatornog okvira elektronske uprave sa direktivama Evropske unije (EU) i najboljom međunarodnom praksom i razvoju novog softvera za poboljšanje efikasnosti, odgovornosti i transparentnosti institucija koje pružaju usluge građanima i poslovnim subjektima. U sklopu ovog Projekta, USAID i Agencija za javne nabavke BiH rade na razvoju informacionog sistema za centralizovane javne nabavke. U sklopu ove aktivnosti pripremiće se Pravilnik o izmjenama i dopunama Pravilnika o zajedničkoj nabavci i centralnim nabavnim organima.

U donjoj tabeli je iskazan procenat realizacije u odnosu na sve poduzete radnje koje su odrađene kako bi se implemirala svaka projektna aktivnost.

Projekti	Projektne aktivnosti	Stepen/procent realizacije
1. Usklađivanje Nacrta Zakona o javnim nabavkama sa EU Direktivama 2014/24/EU i 2014/25/EU	1.1. Nacrt Zakon o javnim nabavkama	0%
2. Unapređenje postojećih i uvođenje novih funkcionalnosti sistema e - nabavki uz pripadajući zakonodavni okvir	2.1. Puštanje u produkciju modula za elektronsko dostavljanje ponuda, elektronsko otvaranje i evaluaciju ponuda i elektronsko donošenje odluke o okončanju postupka	70%
	2.2. Otvaranje podataka u javnim nabavkama	80%
	2.3. Razvoj modula na Portalu javnih nabavki koji bi koristili svi uredi za reviziju poslovanja institucija na svim nivoima u BiH	80%
	2.4. Automatizacija/informatizacija određenih poslovnih procesa koji su u vezi sa praćenjem postupaka javnih nabavki	100%
	2.5. Početak aktivnosti na uspostavljanju Dinamičkog sistema kupovine	10%
	2.6. Uvođenje statističkog praćenja i izvještavanja o učešću malih i srednjih preduzeća u javnim nabavkama	100%
3. Razvoj informacionog sistema za centralne nabavne organe	3.1. Razvoj, priprema za produkciju i puštanje u produkciju informacionog sistema za centralne nabavne organe	60%

IV FILIJALA BANJA LUKA – SEKTOR ZA PRAVNE POSLOVE I POSLOVE OBUKE I ANALIZE

Programom rada za 2022. godinu predviđene aktivnosti Filijale Banja Luka su: obuke službenika za javne nabavke.

Obuka službenika za javne nabavke je jedan od najvažnijih segmenata u izgradnji i jačanju sistema javnih nabavki u cilju postizanja najefikasnijeg korištenja javnih sredstava.

Programom rada za 2022. godinu predviđeno je da Agencija provede 5 obuka za službenike za javne nabavke.

S obzirom na to da budžet institucija Bosne i Hercegovine nije blagovremeno usvojen, nisu se stekli uslovi za provođenje obuka za službenike za javne nabavke kako je bilo planirano Programom rada za 2022. godinu.

Agencija je, u cilju ublažavanja posljedica proisteklih iz razloga neusvajanja budžeta i radi davanja doprinosa u smislu edukacije lica koja rade na poslovima javnih nabavki organizovala obuke za predstavnike ugovornih organa, ali i ponuđača koje su održali predstavnici Agencije. Održano je ukupno 4 obuke za ugovorne organe i ponuđače, na kojima se obučeno 187, od toga 153 predstavnika ugovornih organa i 34 predstavnika ponuđača. Pored toga, Agencija je održala 4 ispita za službenike za javne nabavke koji su prošli obuke za službenike za javne nabavke u okviru IPA II Projekta „Jačanje sistema javnih nabavki u Bosni i Hercegovini“ .

U okviru projektne aktivnosti izgradnje sistema obuka Agencija je održala tri okrugla stola sa ovlaštenim predavačima iz oblasti javnih nabavki na temu Zakona o izmjenama i dopunama Zakona o javnim nabavkama kako bi bili upoznati sa prijedlozima zvaničnih stavova po pitanjima koja se tiču izmjena i dopuna Zakona o javnim nabavkama.

1. Prijedlog Pravilnika o obuci službenika za javne nabavke

Pravilnik o obuci službenika za javne nabavke („Službeni glasnik BiH“ broj 8/18 prpisuje način organizovanja i održavanja obuka, te način provjere znanja za službenike za javne nabavke.

Programom rada za 2022. godinu planirano je da se donese novi Pravilnik obuci službenika za javne nabavke BiH koji će pratiti izmjene predviđene Zakonom o izmjenama i dopunama Zakona o javnim nabavkama. Zbog kasnijeg usvajanja ZIDZJN nije se pristupilo izradi Prijedloga Pravilnika o obuci službenika za javne nabavke, već je Agencija izradila Nacrt Pravilnika o izmjenama i dopunama pravilnika o službenicima za javne nabavke koji je prošao javne konsultacije, međutim zbog prioriteta drugih podzakonskih akata nije upućen u proceduru usvajanja.

1. Informacija o održanim obukama iz oblasti javnih nabavki za 2021. godinu.

Informacija o održanim obukama iz oblasti javnih nabavki za 2021. godinu je sa svim pribavljenim saglasnostima i pozitivnim mišljenjima nadležnih institucija, upućena Vijeću ministara Bosne i Hercegovine na usvajanje. 9.11.2022. predmetna Informacija je usvojena na 57.sjednici Vijeća ministara Bosne i Hercegovine.

V FILIJALA MOSTAR – SEKTOR ZA PRAVNE POSLOVE I POSLOVE OBUKE I ANALIZE

Programom rada Agencije za 2021. godinu, predviđene aktivnosti filijale Mostar su:

- Praćenje postupaka javnih nabavki po izvorima praćenja i podnošenje zahtjeva za pokretanje prekršajnog postupka po službenoj dužnosti.

Uspostavljanje sistema praćenja postupaka koje provode ugovorni organi za nabavku robe, usluga i radova s ciljem edukacije i otklanjanja uočenih nepravilnosti u pojedinačnim postupcima javnih nabavki predstavlja jednu od najvažnijih aktivnosti Agencije utvrđenu Zakonom.

Filijala Mostar uspješno realizovala Program rada iz svoje nadležnosti za 2022. godinu, mada nije došlo do administrativnog povećanja broja zaposlenih u filijali. Zbog potkapacitiranosti nije bilo moguće izvršiti monitoringe po svim izvorima praćenja, već je fokus bio na najmanje transparentnim postupcima (pregovarački postupak bez objave obavještenja, a što je bilo jedna od programskih aktivnosti za period 2020-2023.god.), izuzeća od primjene Zakona o javnim nabavkama, cijepanja nabavki, prekoračenja vrijednosnog razreda, te zahtjeve zainteresovanih strana za pojedinačnim praćenjem postupka.

1. Pravilnik o izmjenama i dopunama pravilnika o praćenju postupaka javnih nabavki

Iako je u proceduri usvajanje izmjena i dopuna Pravilnika o praćenju postupaka javnih nabavki, a koji između ostalog proširuje izvore praćenja i daje veća ovlaštenja Agenciji po pitanju prekršajne i krivične oblasti, a u skladu sa Direktivama iz 2014.godine, upravo zbog potkapacitiranosti i nedovoljnih finansijskih sredstava nije se forsiralo donošenje ovog podzakonskog akta, te je ovaj podzakonski akt u fazi procedure ishodovanja pozitivnih mišljenja nadležnih institucija.

2.Izvještaj o praćenju postupaka javnih nabavki

Prijedlog Izvještaja o praćenju postupaka javnih nabavki za 2021. godinu upućen Vijeću ministara Bosne i Hercegovine na usvajanje, međutim isti još nije stavljen na dnevni red sjednice Vijeća ministara Bosne i Hercegovine.



II – IZVJEŠTAJ O PROVOĐENJU AKCIONOG PLANA PREDVIĐENOG GODIŠNJIM PROGRAMOM RADA AGENCIJE ZA JAVNE NABAVKE BOSNE I HERCEGOVINE ZA 2022. GODINU

Opšti cilj/principi razvoja: Integrirani rast

Strateški cilj: Unaprijediti razvoj konkurentnog ekonomskog okruženja

Srednjoročni cilj: Unaprijediti sistem infrastrukture kvaliteta u skladu s EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije

Specifični cilj: Unaprijediti proces i transparentnost provođenja postupaka javnih nabavki

Programi, projekti i aktivnosti	Nosilac aktivnosti	Pokazatelji				Izvori finansiranja i troškovi			Vrijeme provođenja		Komentar
		Jedinica mjerenja (% , broj ili opisno)	Polazna vrijednost (2021)	Cijijana vrijednost (2022)	Ostvarena vrijednost na kraju godine (2022)	Izvori finansiranja (budžet, krediti, donacije, ostalo)	Planirani troškovi	Ostvareni troškovi	Planirani kvartal za provođenje	Kvartal kada je aktivnost provedena	
1	2	3	4	5	6	7	8	9	10	11	12
1. program – Razvoj i puštanje u rad novih servisa za e-nabavke											
1.1.1.1 Unapređenje postojećih i uvođenje novih funkcionalnosti sistema e-Nabavki uz pripadajući zakonodavni okvir	Sektor za informacione tehnologije, finansijske i opšte poslove i Sektor za pravne poslove i poslove obuke i analize	broj	14	12	16	Budžet Agencije za 2022.godinu	623.700	547.007			

1.1.1.2. Razvoj modula na Portalu javnih nabavki koji bi koristili svi uredi za reviziju poslovanja institucija na svim nivoima u BiH	Sektor za informacione tehnologije, finansijske i opšte poslove i Sektor za pravne poslove i poslove obuke i analize	%	0	100	80	Budžet Agencije za 2022.godinu					
1.1.1.3. Automatizacija/informatizacija određenih poslovnih procesa koji su u vezi sa praćenjem	Radna grupa u Agenciji	Broj	3	4	4	Budžet Agencije za 2022.godinu					
1.1.1.4. Početak aktivnosti na uspostavljanju Dinamičkog sistema kupovine	Sektor za informacione tehnologije, finansijske i opšte poslove i Sektor za pravne poslove i poslove obuke i analize	opisno				Donatorska sredstva					Aktivnost nije realizovana. Agencija je pokušavala nominovati projekat prema donatorima.
1.1.1.5. Uvođenje statističkog praćenja i izvještavanja o učešću malih i srednjih preduzeća u javnim nabavkama	Sektor za informacione tehnologije, finansijske i opšte poslove i Sektor za pravne poslove i poslove obuke i analize	%	0	100	100	Budžet Agencije za 2022.godinu					
1.1.1.6. Razvoj, priprema za produkciju i uštanje u produkciju informacionog sistema za centralne nabavne organe	Radna grupa u AJN	%	0	100	60	Donatorska sredstva					

2. Obuke službenika za javne nabavke i praćenje primjene zakona i podzakonskih akata

2.1.1.1 Obuke službenika za javne nabavke	Sektor za pravne poslove, poslove obuke i analize, filijala Banjaluka	Broj obuka	5	5	0	Budžet Agencije za 2022. godinu	415.800	364.671	I-IV	Nije realizovano. Budžet institucija nije usvojen blagovremeno, tako da se nisu stvorile mogućnosti za realizaciju planiranih obuka, ali je Agencija organizovala 4 obuke za predstavnike ugovornih organa i ponuđača koje su održali predstavnici Agencije na kojim je obučeno 187 predstavnika ugovornih organa i ponuđača.
2.1.1. 2. Praćenje postupaka javnih nabavki po izvorima praćenja	Sektor za pravne poslove i poslove obuke i analize-filijala Mostar	Broj obrađenih postupaka prema Pravilniku o praćenju postupaka javnih nabavki	500	600	627	Budžet Agencije za 2022. godinu	346.500	303.893	I-IV	I-IV Realizovano, Agencija je izvršila praćenje 629 pojedinačnih postupaka javnih nabavki, a koji su rezultat pregleda raznih obavještenja, izvještaja, zahtjeva za monitoringom i planova nabavki. Upućeno 20 zahtjeva za pokretanje prek. Postupka pred nadležnim sudovima protiv ugovornih organa i odgovornih

											<p>osoba u istim., te 1 prijava potencijalne povrede ZJN zbog postojanja elemenata krivičnog djela.. Riješena su ukupno 32 predmeta iz prekršaja, 6 predmeta iz 2020.godine, 25 predmeta iz 2021.god. i 2 iz 2022.god, a prekršajni zahtjevi su se uglavnom odnosili na prekršaje u vezi sa povredom sljedećih članova Zakona o javnim nabavkama: čl. 21, 23, 24, 28, 74, 75, 87.</p>
--	--	--	--	--	--	--	--	--	--	--	---

III – IZVJEŠTAJ O IZRAĐENIM ZAKONIMA PLANIRANIH GODIŠNJIM PROGRAMOM RADA AGENCIJE ZA JAVNE NABAVKE BOSNE I HERCEGOVINE ZA 2022. GODINU

Opšti cilj/principi razvoja: Integrisani rast

Strateški cilj: Unaprijediti razvoj konkurentnog ekonomskog okruženja

Srednjoročni cilj: Unaprijediti sistem infrastrukture kvaliteta u skladu s EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije

Specifični cilj: Unaprijediti proces i transparentnost provođenja postupaka javnih nabavki

Naziv zakona	Vrijeme provođenja	Status zakona zaključno sa 31.12.2022.godine					Koment ar
	Planirani kvartal za provođenje	Kvartal kada je aktivnost provedena	Upućen VM BiH (DA/NE)	Usvojen na VM BiH (DA/NE)	Procedu ra u PS BiH (DA/NE)	Usvojen u PS BiH (DA/NE)	
1	2	3	4	5	6	7	8
1.1							
1.1.1							
1.1.1.1							

IV – IZVJEŠTAJ O IZRAĐENIM PODZAKONSKIM AKTIMA PLANIRANIH GODIŠNJIM PROGRAMOM RADA AGENCIJE ZA JAVNE NABAVKE BOSNE I HERCEGOVINE ZA 2022. GODINU

Opći cilj/principi razvoja: Integrisani rast

Strateški cilj: Unaprijediti razvoj konkurentnog ekonomskog okruženja

Srednjoročni cilj: Unaprijediti sistem infrastrukture kvaliteta u skladu s EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije

Specifični cilj: Unaprijediti proces i transparentnost provođenja postupaka javnih nabavki

Naziv podzakonskog akta	Vrijeme provođenja		Status podzakonskog akta zaključno sa 31.12.2022. godine				Komentar
	Planirani kvartal za provođenje aktivnosti	Kvartal kada je aktivnost provedena	Upućen rukovodiocu	Usvojen od strane Odbora AJN BiH	Upućen VM BiH	Usvojen na VM BiH	
1	2	3			4	5	6
Naziv programa: Jačanje sistema javnih nabavki							
Pravilnik o izmjenama i dopunama Pravilnika o zajedničkoj nabavci i centralnom nabavnom organu	IV	Ne	Ne	Ne	Ne	Ne	Postupak nabavke od strane USAID-a je okončan u junu mjesecu 2022 godine nakon čega su pokrenute aktivnosti na razvoju sistema za centralne nabavke. S obzirom da razvoj nije okončan do kraja 2022. godine Pravilnik o izmjenama i dopunama Pravilnika o zajedničkoj nabavci i centralnom nabavnom organu je u fazi pripremnih aktivnosti
Uputstvo o uslovima i načinu objavljivanja obavještenja i dostavljanja izvještaja o postupcima javnih nabavki na	Nije predviđeno	III	Da	Da	Da	Da	Aktivnost je realizovana. Podzakonski akt donešen 05.12.2022. godine

portalu javnih nabavki („Službeni glasnik BiH“ broj 80/22)							
Pravilnik o postupku dodjele ugovora o uslugama iz Aneksa II Zakona o javnim nabavkama	Nije predviđeno	III	Da	Da	Da	Da	Usvojen na 85. vanrednoj sjednici VM BiH održanoj dana 28.12.2022. godine
Odluka o obliku izjave o ispunjenosti uslova iz člana 50. stava (1) tač. c), d), e) i f) Zakona o javnim nabavkama u slučaju ograničenog postupka, pregovaračkog postupka s objavom obavještenja, pregovaračkog postupka bez objave obavještenja o nabavci i takmičarskog dijaloga	Nije predviđeno	III	Da	Da	Da	Da	Usvojen na 85. vanrednoj sjednici VM BiH održanoj dana 28.12.2022. godine
Odluka o obliku izjave o ispunjenju uslova iz člana 51. stava (1) tač. c), d) i f) Zakona o javnim nabavkama u slučaju ograničenog postupka, pregovaračkog postupka s objavom obavještenja, pregovaračkog postupka bez objave obavještenja o nabavci i takmičarskog dijaloga	Nije predviđeno	III	Da	Da	Da	Da	Usvojen na 85. vanrednoj sjednici VM BiH održanoj dana 28.12.2022. godine
Pravilnik o finansiranju istraživanja, razvoj i unapređenje sistema javnih nabavki	Nije predviđeno	III	Da	Da	Ne	Ne	U fazi pribavljanja mišljenja od strane nadležnih institucija
Pravilnik o izmjenama i dopunama Pravilnika o postupku dodjele ugovora u oblasti odbrane i sigurnosti	III	III	Da	Ne	Ne	Ne	Odbor Agencije donio zaključak da se ne može izjasniti o nacrtu podzakonskog akta.
Pravilnik o izmjenama i dopunama Pravilnika o praćenju postupaka javnih nabavki	III	III	Da	Ne	Ne	Ne	Priprema novog pravilnika o praćenju postupaka javnih nabavki u toku, nakon usvajanja Zakona o izmjenama i dopunama Zakona o javnim nabavkama
Pravilnik o obuci službenika za javne nabavke	IV	Ne	Ne	Ne	Ne	Ne	Aktivnost nije realizovana zbog kasnijeg usvajanja ZIDZJN, Agencija izradila Nacrt Pravilnika o izmjenama i dopunama Pravilnika o službenicima za javne nabavke koji je prošao e konsultacije, ali nije upućen u proceduru usvajanja
Godišnji izvještaj o praćenju postupaka javnih nabavki	II	II	Da	Da	Da	Ne	Filijala Mostar je blagovremeno pripremila

							prijedlog Izvještaja o praćenju postupaka javnih nabavki za 2021. godinu, te isti prosljedila VM BiH na usvajanje, međutim isti još nije stavljen na dnevni red VM BiH
Informacija o održanim obukama iz oblasti javnih nabavki	II	II	Da	Da	Da	Da	Informacija o održanim obukama iz oblasti javnih nabavki je usvojena na 57.sjednici Vijeća ministara Bosne i Hercegovine
Godišnji izvještaj o zaključenim ugovorima u postupcima javnih nabavki u 2021.godini	III	III	Da	Da	Da	Ne	Prijedlog Godišnjeg izvještaja o zaključenim ugovorima u postupcima javnih nabavki u 2021.godini, blagovremeno pripremljen i prosljeđen VM BiH na usvajanje, međutim isti još nije stavljen na dnevni red VM BiH

V - IZVJEŠTAJ O IZRAĐENIM MEĐUNARODNIM UGOVORIMA PLANIRANIH GODIŠNJIM PROGRAMOM RADA AGENCIJE ZA JAVNE NABAVKE BOSNE I HERCEGOVINE ZA 2022. GODINU

Opšti cilj/principi razvoja:

Strateški cilj:

Srednjoročni cilj:

Specifični cilj:

Naziv međunarodnog ugovora	Vrijeme provođenja		Status međunarodnog ugovora zaključno sa 31.12.2022. godine				Komentar
	Planirani kvartal za provođenje	Kvartal kada je aktivnost provedena	Upućen VM BiH (DA/NE)	Usvojen na VM BiH (DA/NE)	Procedura u Predsjedništvu BiH (DA/NE)	Usvojen u Predsjedništvu BiH (DA/NE)	
1	2	3	4	5	6	7	8
1.1 (naziv programa)							
1.1.1 (naziv projekta)							
1.1.1.1 (naziv međunarodnog ugovora)							
1.1.1.2 (naziv međunarodnog ugovora)...							
1.1.2 (naziv projekta)...							
1.2 (naziv programa)...							

VI - IZVJEŠTAJ O REALIZACIJI JAVNIH INVESTICIJA PLANIRANIH GODIŠNJIM PROGRAMOM RADA AGENCIJE ZA JAVNE NABAVKE BOSNE I HERCEGOVINE ZA 2022. GODINU

Opći cilj/principi razvoja: Integrirani rast

Strateški cilj: Unaprijediti razvoj konkurentnog ekonomskog okruženja

Srednjoročni cilj: Unaprijediti sistem infrastrukture kvaliteta u skladu s EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije

Specifični cilj: Unaprijediti proces i transparentnost provođenja postupaka javnih nabavki

Naziv projekta javnih investicija	Vrijeme relazacije		Status (ZAVRŠENO, U POSTUPKU, ODLOŽENO, PREKINUTO)	Komentar
	Očekivani period realizacije	Završen (Da/Ne)		
1	2	3	4	5
1.1				
1.1.1				
IPA II „Jačanje sistema javnih nabavki u Bosni i Hercegovini“	2022	DA	ZAVRŠENO	

VII - IZVJEŠTAJ O PROVEDENIM KONSULTACIJAMA KOD IZRADE GODIŠNJEG IZVJEŠTAJA O RADU AGENCIJE ZA JAVNE NABAVKE BOSNE I HERCEGOVINE

Kod izrade Izvještaja o radu za 2022. godinu, Agencija za javne nabavke Bosne i Hercegovine je u skladu sa članom 4. stav (1) tačka b) Odluke o godišnjem planiranju rada i načina praćenja izvještavanja o radu u institucijama Bosne i Hercegovine („Službeni glasnik BiH“, broj 94/14) primijenila pravila za konsultacije.

Izvjestaj o radu Agencije za javne nabavke Bosne i Hercegovine za 2022. godinu je u postupku konsultacija putem veb platforme e-konsultacije bio u periodu od 30.12.2022 – 15.01.2023. godine i u navedenom periodu na isti nije bilo primjedbi, prijedloga i komentara.

